



## МЕСЯЦА ИЮНЯ В 20-Й ДЕНЬ

Святаго священномученика Мефодия, епископа  
Патарскаго, иже Оригенову ересь попали

### Стихиры, глас 4.

Подобен: Дал еси знамение:



удожество память твою нам спасительное  
носящи, / святителю Мефодие, светло  
прииде. / Темже в ней ты песнословим, / про-  
поведающе твою светлыя подвиги и борен-  
ния, / иже многоковарственного и лукаваго пре-  
брал еси / и победы венец исплел еси, радуясь.

Словеси просветил еси церковное исполне-  
ние, / Богоявленне Мефодие, / страданий же  
светлостью / многобожия отгнал еси мрак / и  
прешел еси к Свету, священномучениче, / ныне  
невечернему. / Темже твоё всепразднственное и  
светоносное / торжество празднуем днесь, / благо-  
честием осияеми.

Кровьми обогрел еси священную одежду твою, /  
Богоносе Мефодие, / с неюже во святая святых,  
блаженне, / вместился еси, радуясь, / и зриши  
светло Тройческую Божественную светлость, /  
научаяся яснейше сущим паче ума и смысла / и  
обожаяся изрядне, святителю пребогате.

### Ины стихиры Богородицы. Подобен тойже:

Радуясь, солнцезрачная луче, / Солнца незахо-  
димаго престоле, / Яже Солнце возсиявши недо-  
уменное. / Радуясь, уме, облистаяй Божественны-  
ми сияньми, / заре молнийная, осветившая земли  
концы, / истинное злата блистание, / Вседобрая и

Пренепорочная, / Свет невечерний верным обли-  
ставши.

Скверну отмый страстного сердца моего, / Бого-  
родице Всепетая, / и вся язвы и гноения сего, / яже  
от греха, очисти, Чистая, / и ума моего устави  
непостоянное, / яко да силу Твою и великое  
заступление / величаю, окаянный и непотребный  
раб Твой.

Немощь и ослабление, / Дево Мати Всенепорочная, / души моей преложи в крепость и силу, /  
страхом и любовью творити же / и деяти оправдания Христова, / яко да избегну огня нестерпимаго /  
и наследие Небесное / и жизнь непреходимую Тобою восприиму, веселяся всегда.

**Слава, и ныне, глас и подобен тойже:**

Бесовскими преклонена прилогми / и в ров погибели ввержена, / ущедри, Владычице, / и утверди мя на камени добродетелей, / и, наветы вражия разорши, / сподоби мя творити повеления Твоего Сына и Бога нашего, / яко да улучу оставление в День суда.

**Крестобогородичен. Подобен тойже:**

Распинаема Христа Человеколюбца видящи Пречистая / и ребра ископаема копием, / плачущи, вопияше: / что сие, Сыне Мой? / Что Ты безблагодатнии людие воздаша, / за яже сотворил еси добрая им, / и тщишия безчадствовати Мя, Вселюбезнейший? / Удивляюся, Благоутробне, Твоему вольному распятию.

**Тропарь, глас 1:**

**К**ровь твою, мудре, тайно вопиет от земли, / якоже Авелева к Богу, / Богомудре святителю Мефодие, / ясно проповедавший Божие вочеловечение. / Темже и посрамил еси Оригенову лесть, / и преставился еси в Небесный чертог. / Моли Христа Бога, / да спасет души наша.

**Канон, творение Феофаново, глас 7.**



### Песнь 1

**Ирмос:** *Мáнием Твоим на земный образ преложися / прежде удоборазливаемое водное естество, Господи. / Темже немóкренно пешешествовав, Израиль / поёт Тебе песнь победную.*

**Стези скóрья, к Бóгу мя носящия, / показуя преход, священнотайнниче, научи, / яко да безконечную уллучу жизнь молитвами твоими, славне.**

**Облистал еси светоносно во Христове Цérкви, / сугубыми сияя, священноявленне, благодатьми. / Темже сугубыми ты венцы священнолéпно Христос венча.**

**Венцем мучения, священства же мастию, блаженне, / украшаемь, обоими просиял еси. / Темже истинное и боговидное наследие получил еси.**

**Яко непорочна жертва, и священна Владыце, / и жива, и одушевлена священнодействовася, славне, / темже жертвеннику Небесному прият был еси, Мефодие.**

**Богородичен:** *Избавителя человеческого рода, и Свободителя, / и Спаса Христа нам родила еси, Дево Мати Чистая. / Темже, яве Тя ведуще Ходатаицу живота вечнаго, славим.*

### Песнь 3

**Ирмос:** *В начале небеса / всеильным Словом Твоим утвердей, Господи Спасе, / и Вседетельным и Божиим Духом всю силу их, / на недвижимем мя камени исповедания Твоего утверди.*

**Распалающуся видево Оригенову прелесть, / яко сый изряден пастырь, / Божественным огнем скоро попалил еси всю онаго мглу, / блистающую лучу вжег премудрости твоея, Богоприятне.**

**Девство честное и чистоты доброту искусом, славне, навьк, / премудростию твоею и словес благодатию / всех сих доброту показуеши, Богомудре, и вечнующую светлость.**

**Твоих словес молния, и разума труба, и учений благонароचितое вещание / во всю землю изыде, преподобне, / вся зовущи верныя к причастию, преблаженне, Небесных наслаждений.**

**Крепчайшею пищею духовных напоений насыщшиися, премудре, твоих / истинною пищею**

оною наслаждаются, пребывающею, / приснотекущею не мимоходно и растущею причастником.

**Богородичен:** С Божественным Гавриилом, благословенная Дево, / Тебѣ, радуйся, зовѣм присно: / радости бо нам вина была еси и веселия истиннаго, / Избавителя и Спаса всех плотию рождши.

#### Седáлен, глас 4.

Подобен: Вознесыйся:

**Жертвенник** красен сердце твоѣ сотворил еси, / безкровны, священнодейственне, принося жертвы Богу, / пострадав же крепко и пожерся, / принеслся еси жертва, Мефодие, нас ради пожершемуся. / Егѡже прилежно моли присно вся спасти, любовьию поющия тя.

#### Слава, и ныне, Богородичен:

**Нечистых** помыслов моих множество / и безместных мыслей обуревания кто изрещи может, Всенепорочная? / Настояния же безплотных враг моих кто исповесть и сих злобу? / Но Твоею мольбою, Благая, сих мне всех избавление даруй.

#### Крестобогородичен:

**Иже** от Безначальнаго Отца рожденнаго напоследок Тя плотию рождшая / на Крестѣ висяща зрящи, Христѣ,— / увы Мне, любезнейший Иисусе,— вопияше: / како славимый яко Бог от Ангел, / от беззаконных ныне человек, Сыне, хотя распинаешься? / Пою Тя, Долготерпеливе.

#### Песнь 4

**Ирмос:** Отча недра не оставль / и сошед на землю, Христѣ Бѡже, / тайну услышах смотрения Твоего / и прославих Тя, еди́не Человеколю́бче.

**К** добродетелей высотѣ, мученически скончався, востекл еси, / великодаровное воздаяние священнодействия твоего прием, преблаженне.

**Престол** имѣя святительский, священную же жизнь стяжав, / православную проповѣдал еси веру, всечестне, / и научил еси твоѣ стадо.

**Сладость** душеполѣзная твоих учений, яко источник, происходит, / причастники веселя и услаждая душевная наша чувства.



**Богородичен:** Отéческих недр не отступль и от Дéвы воплощся, Христé Бóже, / сохрани стадо Твое, / строения Твоего поклоняющееся Божéственным образóm.

### Песнь 5

**Ирмос:** Гóсподи Бóже мой, / от нóщи ўтреневав, Тебé молюся: / подáждь ми оставлénие прегрешéний мо́их / и к свéту Тво́их повелéний / пúти моя напра́ви, молюся.

**Мёртвостию** живонóсною облéклся еси́, óтче, прэжде скончáния твоегó / и, мечём усéчен мучéния твоегó, / к жízни многосугúбней престáвился еси́, слáвне, лúчшей.

**Тайнниче** неизречéнных и óбщниче Вьшняго ликостоя́ния, / любóвию чтúция тя спаси́, преслáвне, / искушéний лúтых найдтия разоря́я моли́твами тво́ими.

**Имéя** ко Влады́ще дерзновéние, óтче, / Егóже и стра́сти усéрдно поревновáл еси́ пóдвиги тво́ими, / вёрным Божéственный мир и тишинú испроси́, премúдре.

**Пёрвее** священнодéйствовал еси́ А́гнца Бóжия, грехи́ мíра взёмлющаго, / последи́ же, закала́емь, словéсна и живá жёртва Семú принёслся еси́, óтче Мефóдие.

**Богородичен:** Чíстая Богородице, мою́ дúшу омрачéнную, / приятелище сýщи неразори́маго Свёта и храм Божéственныйя зарí, / свéтом Тво́им просвети́, молюся.

### Песнь 6

**Ирмос:** Пла́вающего в молвé житéйских попечéний, / с кораблём потопля́ема грехи́ / и душетлénному звéрю приметáема, / я́ко Ио́на, Христé, вопию́ Ти: / из смертно́сных глубины́ возведи́ мя.

**Дремáния** вéждам и очýма тво́има сна, преблажéнне, не дал еси́, / дóндеже всех страстéй себе свободи́л еси́, / и вместителен храм соделáл еси́ зарелúчней мóлнии Дúха.

**Весь** Божéственному и Боговídному сия́нию, Богомúдре, соединя́ясь, / Божéственного священства пра́вило был еси́ / и к Бóгу ходáтай яви́лся еси́ всей Цёркви вёрных, Мефóдие.

**К** свѣтлому житию свѣтлостное совокуплься сущих откровение, Богоглаголиве, / свѣтлаго свѣтильника миру ты показá, / еретическое глумление и безбожия тьму отгоняща.

**Богородичен:** Царицу всех бывших Тя ведяще, / Бóга бо родила еси, Богомати, от не сущих вся сотворшаго, / радостное песнословие со Ангелом Гавриилом Тебѣ зовѣм.

### Кондак, глас 4.

Подобен: Вознесѣйся:

**С**вященнотайник Святѣя Троицы, / и яже паче ума повелений Божественных проповѣдник, / и православным утверждение был еси, Мефодие, / зославныя обличил еси смбислы, / правоверия ради кровию твоєю священномученик явлься, / и, Христу со Ангелы предстоя, / моли спастися нам.

### Песнь 7

**Ирмос:** В пещь огненную ввержени, преподобнии отроцы / огонь в росу преложивша, / воспеванием сице вопиюще: / благословен еси, Господи Бóже отец наших.

Освящен, Богомудре, и мучеников истины свѣтло сияя кровию, / с ними Владыце поѣши непрестанно: / благословен еси, Господи Бóже отец наших.

Утвержден верою, идольский угасил еси пламень / токи святых кровей твоих, мучениче, сице взывая: / благословен еси, Господи Бóже отец наших.

Научен Божественным видением превъшним, ум премудро уяснил еси, / с верно поющими, отче, взывая: / благословен еси, Господи Бóже отец наших.

**Богородичен:** Песнословием славит Твое Рождество вся тварь, / Бóга, Дѣво, ведящи, и, чѣстно поклоняющися, Тому зовѣт: / благословен еси, Господи Бóже отец наших.

### Песнь 8

**Ирмос:** Единого Безначальнаго Царя Славы, / Егóже благословят Небесныя силы / и трепещут



*чїни Ангельстїи, / пойте, священницы, / людіе, превозносите Его во веки.*

**Тя**, Невїдимаго, яко віде, / терпяше мучителей раны Богомудрый и венцем увязеся, поя: / пойте, священницы, людіе, превозносите Его во веки.

**Непреемлемое** Христово Царство светло желая, святителю, / сие тебе исходатайствовавшу правою стезею, зовый Христу: / людіе, превозносите Его во веки.

**Многосугубну** Христос тебе подаде твоим трудом мзду, Богоносе, / мысль переходящую всяку, / поюще благочестно Того Царство во вся веки.

**Учений** пучину, и скрижалъ наказаний, / и зрѣния высокаго сокровище ты знаем, и чувств престол, / поюще благочестно Христа Царя во вся веки.

**Богородичен:** Рабски, Пречистая, Тебе прихожду верою, зачѣнная всех Владыку: / ныне спаси мя гонѣния и бед, / поюще благочестно Бога, воплощеннаго из Тебе, Богородительнице.

## Песнь 9

**Ирмос:** Мати Божия и Дева, / рождающая и девствующая паки, / не естества дело, но Божия снизхождѣния, / тем, яко Едину, Божиих чудес сподобльшуюся, / Тя присно величаем.

**Всегда** Христа моли, Богоблаженне отче, / ересей уставити еже на ны коварства и нынешний мрак от среды отжени, / яко бо святитель силен молитвенник был еси.

**От** земли к Небесней жизни преставился еси, / служѣния твоего почестъ прием и страданія, / идеже жизни нетленные причастник быв, / вечно быти со Христом сподобился еси.

**Древа** жизненнаго плод объял еси, безсмертныя, преблаженне, жизни, / человеком Первоначальника приобрѣт, / Егоже радости наслаждаяся богато, о поющих ты верою молюся.

**Весь** ум простирая, преподобне, благостию жития, / Христова зрѣния и краснаго весѣлія сподобился еси, / яко священномученик и сказатель благочестія и поборник.

**Богородичен:** Закона новаго ковчег нарицаем  
Тя и Богоначертанную скрижаль, / в нейже Слово  
написася Божие, Человек быв, / за еже спасти мир  
от лести, обрадованная Богородице Всепетая.

**Священномученик Мефодий,**  
**епископ Патарский** (Ликийская об-  
ласть в Малой Азии), отличался под-  
линным иноческим смирением. Тихо  
и кротко он поучал свою паству, но  
вместе с тем твердо отстаивал чистоту  
Православия и энергично боролся  
с ересями, особенно с получившей  
широкое распространение ересью  
оригенистов. После него осталось бо-  
гатое литературное наследие: сочине-

ния в защиту христианства против  
язычества, изложение православных  
догматов против ереси Оригена,  
нравственные поучения, толкования  
Священного Писания.

Святитель Мефодий был схвачен  
язычниками, с твердостью исповедал  
перед ними веру во Христа Спасите-  
ля и в 312 году был приговорен к  
смерти через усекование главы. Па-  
мять его совершается 20 июня.



В  
ТОЙЖЕ  
ДЕНЬ

## Святáго благовѣрнаго князя Глѣба, Владíмирскаго чудотвóрца

### НА МАЛОЙ ВЕЧѢРНИ

На Гóсподи, воззвах: **стихíры на 4, глас 4.**

**Подóбен:** Дал еси знамение:

**О**т благочестíваго кóрене прозябл еси отрасль  
благовѣрия, / благовѣрный княже Глѣбе, / из-  
млада бо крест Христóв, / яко ору́жие, на ра́мо твоѣ  
прíял еси, / вѣру, яко щит, наде́жду, яко броню, /  
крóтость и незлѣбие, яко шлем, / во еже победíти  
врагí / и бесóвскія ополчѣния и тех прилѣги, / сегó  
ра́ди, лику́я ны́не со Ангелы, / непрестáнно моли́ о  
душáх нáших.

Яко звезда́ пресвѣтлая, / просвещáющая дýши  
вѣрных чудесными сия́нии, / уго́днице Госпóдень,  
благовѣрный княже Глѣбе, / мрак страстѣй и  
болѣзней нáших отгоня́еши, / здравие же всем  
дáруеши, / многоцелѣбныя тво́я мѣщи почита́-  
ющим, / моли́твенниче о душáх нáших.

Праведен и незлѣбив, / йстинен же и вѣрен, /  
уклоня́ясь от всякíа злѣя вѣщи, / показáлся еси,  
княже Глѣбе, / просвещѣн добродѣтельми и благо-



честием сияя, / тем ты ублажаем / и святое твоё и  
честное преставление / днесь празднуем, раду-  
ющеся, Богомудре.

### Слава, глас 5:

**Приидите, люди славнаго града Владимира / и  
всей Россійския земли, / блаженнаго князя Глеба  
торжественно прославим / и светло тому праздну-  
ем, духовне ликовствующе, / созывает бо нас  
торжествовати день преставления своего, / в онь-  
же возшед от земли к Небесным, / предстоит  
Престолу Христову / и молит даровати нам мир и  
велию милость.**

### И ныне, Богородичен:

**Блажим Тя, Богородице Дево, / и славим Тя,  
вернии, по долгу, / град непоколебимый, стену  
необоримую, / твердую Предстательницу / и прибе-  
жище душ наших.**

### На стиховне стихиры, глас 2:

**Славу мира сего / и вся красная нивотже  
вменивый, / блаженне княже Глебе, / славы Небес-  
ныя причастника мя покажи / молитвами твоими.**

**Стих: Возвеселится праведник о Господе / и  
уповает на Него.**

**Крилé голубине / от Бога прием, / блаженне  
княже Глебе, / возлетел еси духом / в обители  
Небесныя.**

**Стих: Блажен муж, бойся Господа, / в заповедех  
Его восхощет зело.**

**Предварй, рабе Божий, / прежде даже не погло-  
тит мя до конца всегубитель, / и избави вскоре  
душу мою / от лютых страстей, / и мир вожделен-  
ный подаждь ми.**

### Слава, глас тойже:

**Христоролюбивый граде Владимире, / в Бозе ли-  
куй, веселяся, / яко многоценное сокровище, / со-  
держай в себе мощи / святого князя Глеба преслав-  
наго.**

## И ныне, Богородичен:

**ВЫШНИИ** Тя лица, / Богородице Дѣво, / поют с  
нижними, / славяще непрестанно / рождество Твое  
пречистое.

**Тропарь писан на велицей вечерни.  
Слава, и ныне, Богородичен.**

### НА ВЕЛИЦЕЙ ВЕЧЕРНИ

**Блажен муж: 1-й антифон. На Господи, возвах:**  
**стихиры на 8, глас 4:**

**От** благочестиваго корене / отрасль благоверия  
прозябл еси / и востекл еси на пажить закона  
живоноснаго, / благочестием же просиял еси, /  
блаженне Богомудре княже Глебе, / и тем Благода-  
телю всех Богу благоудодил еси.

**Пожил** еси во граде Владимире, / Богомудре  
княже Глебе, / и, душу твою очистив; яко злато в  
горниле, / Владыце Христу предал еси ю, / честное  
же тело твое положиши во храме Богоматере, /  
Юже, святе, моли / сохранити град твой Владимир /  
и вся грады страны Россійския непоколебимы.

**В** чуднем храме Пресвятыя Богородицы, / идеже  
лежит ныне / дивным нетлением прославленное /  
тело твое, всеблаженне, / исцеления подаются  
всем человеком, / с верою притекающим к священ-  
ной раце твоей, / Богомудре княже Глебе, / темже и  
мы молим тя: / моли спастися душам нашим.

**Измлада** возлюбив хранити Господни заповеди, /  
просиял еси преславно Божественными добродетельми, /  
телом положився во храме Богоматере, /  
духом ликуеши в Небесных чертозах со Ангелы, / с  
нимиже молиши Христу Богу, / Глебе Богомудре и  
всеблаженне, / о творящих честную память твою.

## Ины стихиры, глас 2.

**Подобен: Кийми похвальными:**

**Кийми** духовными похвалами / восхвалим князя  
Глеба преславнаго? / В настоящее сие торжество /  
верою и любовью воспойм ему: / радуйся, верным  
людem скорый помощниче, / и страны Владимир-  
ския украшение, / и земли Россійския теплый



заступниче, / егѡже венцы венчаёт Христос Бог наш, / имей велию милость.

**К**ѡими похвальными пѣсньми / нѣне составим ликованіе? / В честнѣм прѣзднице твоеѣ пѣмѣти, / блаженне княже Глѣбе, / духовне прѣзднующе, молимся: / моли победы на враги даровати странѣ нашей, / тебѣ бо тепла заступника и молитвенника ко Спасу стяжахом, / подающему миру велию милость.

**К**ѡими похвалами достойно / прославим блаженнаго князя Глѣба? / Велию бо благодать от Христа приѣл есть, / и всем подаёт неоскудная исцелѣнія, / и молился ко Господу, / во еже спастися нам, / того пѣмѣть верою почитающим, / егѡже чудесы прослави Христос Бог наш, / имей велию милость.

#### Слава, глас 4:

**П**риидіте, людіе славнаго града Владимира / и всеѣ Россійскія землі, / нашего заступника хвалами и пѣсньми ублажим: / милостынею бо, и постом, и добрыми дѣлы Богу угоди / и, душу свою Ему предав, / нам честныя своя мѡщи остави, / точащія неоскудно исцелѣнія / всем, приходящим к нему с верою. / И мы прилежно молимся: / о всеблаженне княже Глѣбе, / молися Святѣй Троице о душах наших.

#### И нѣне, Богородичен.

**Вход. Прокімен дне, и чтенія 3 преподобническая (зри страницы 434—435).**

#### На литіи стихіры, глас 1:

**Н**аста днесь всечестная пѣмѣть / благовернаго князя Глѣба, / нашего заступника и помощника в скорбех, / и болящим врача предобра, / и во бранѣх пособника непоборима, / егѡже достойно да ублажим / и светло пѣмѣть его да торжествуем, / молился бо Господеву спастися душам нашим.

**Ж**итіе твое по Бозе пожив, / блаженне княже Глѣбе, / в молитве и постѣ пребывал еси, / вдовицы и обидимыя, заступая, миловал еси. / Темже молися Спасу всех / за град твой Владимир и за страну

Россійскую/ и нам испроси́ от Го́спода ми́лость в День сѹднѹй.

**Глас 3:** От земли́ Воззва́вый ты в юности к Небѣсным селѣнием,/ соблюда́ет и по смѣрти невредимо́ тѣло твоѣ,/ свѣте кня́же Глѣбе,/ ты бо в целомѹдрии и чистотѣ, блаже́нне, жителствова́л еси́,/ не оскверни́в плѣти твоѣя. / Те́мже со дерзнове́нием моли́/ спасти́ся душа́м на́шим.

### Сла́ва, глас 4:

Благоче́стия столпа́ непоколеби́ма,/ пра́веднаго кня́зя Глѣба/ хвала́ми и пѣсньми духо́вными возвели́чим/ и согласно́ е́му возопи́м:/ о всеблаже́нне и Богомѹдре кня́же Глѣбе,/ я́ко имѣя́й дерзнове́ние ко Святе́й Тро́ице,/ моли́ победы дарова́ти стране́ на́шей/ и от наше́ствия супоста́т/ град твой Влади́мир/ и вся гра́ды страны́ Росси́йскаго сохра́нити/ и спасти́ ду́ши на́ша.

### И ны́не, Богоро́дичен:

При́зри на моле́ния Твои́х раб, Всенепоро́чная,/ утоля́ющи лю́тая на ны воста́ния,/ вся́кия ско́рби нас изменя́ющи:/ Ты бо Еди́ну твѣрдое и изве́стное утвержде́ние има́мы/ и Твоѣ предста́тельство стяжа́хом,/ да не постыди́мся, Влады́чице, Ты призыва́ющи,/ потщи́ся на умоле́ние Тебе́ ве́рно вопи́ющих:/ ра́дуйся, Влады́чице, всех по́моще,/ ра́досте, и покро́ве,/ и спасе́ние душ на́ших.

### На стихо́вне стихи́ры, глас 2.

**Подобен:** До́ме Евфра́фов:

**В** Росси́стей земли́,/ я́коже со́лнце,/ возсия́л еси́ чистото́ю твоѣю,/ всех возвеселя́я сердца́ и помышле́ния/ чудесы́ твои́ми, пресла́вне.

**Стих:** Возвеселится́ пра́ведник о Го́споде/ и упова́ет на Него́.

Росси́йская племена́ вся,/ духо́вне ликовству́йте,/ пѣсньми ублажа́юще/ кня́зя Глѣба/ пресла́внаго.

**Стих:** Блаже́н муж, бойся Го́спода,/ в за́поведех Его́ восхо́щет зело́.



**П**ѣния похвѣльная, / яко за благодеяннѣя / твоѣ благодареннѣя, / от нас приимѣ, / княже Глѣбе преслѣвнѣ.

**Слѣва, глас 6:**

**Х**ристолюбѣвыхъ людѣй Россійскихъ ты великій ходѣтай / и во бранѣхъ посѣбникъ еси. / Тѣмже мы, яко живу ти сущу, глаголемъ: / преблаженнѣ княже Глѣбе, / непрестанно молиси, / еже избѣвѣтися странѣ Россійстей от находеннѣя вражѣя / и христолюбѣвымъ людемъ от всякаго зла / и спастѣся душѣмъ нашимъ.

**И нынѣ, Богородичен.**

**На благословеннѣи хлѣбовъ тропѣрь святѣго, двѣжды, и Богородице Дѣво: единожды.**

**Тропѣрь святѣго, глас 4:**

**Д**несъ свѣтло красуется слѣвнѣйшѣй градъ Владѣмир, / имѣя в себѣ пребогатѣе сокровище — / чудоточѣщѣя честнѣя мѣщи благовернаго князя Глѣба, / имѣже украшѣяся и хвалѣяся, / вселеннѣю всю созывѣетъ къ веселѣю / и велегласно вопиѣетъ: / о Владѣко Христѣ, / даровѣвѣй такову ю благодѣть угѣднику Твоему, / егѣ молитвами помѣлуй нас.

**НА УТРЕНИ**

**На Бог Господѣ: тропѣрь святѣго, двѣжды. Слѣва, и нынѣ, Богородичен.**

**По 1-мъ стихословнѣи седѣлен, глас 1:**

**П**разднуѣтъ днесъ вся Церковь Россійская / преставленнѣе благовернаго князя Глѣба, угѣдника Христѣова, / того прилѣжно молящѣи исцелѣити недуги и болѣзни наша / и всякихъ искушеннѣй избѣвѣити верѣю восхваляющѣихъ егѣ.

**Слѣва, и нынѣ, Богородичен:**

**Ч**удо чудесъ, Благодѣтнѣя, в Тебѣ зряще, тварь радуѣтся: / зачалѣ бо еси безсеменно и родилѣ неизреченно, / Егѣже чиноначѣлѣя Ангелѣвъ видѣти не мѣгутъ, / Того мѣли о душѣхъ нашихъ.

**По 2-м стихословии седален, глас 5:**

Твёрдаго адаманта и столпа, непоколебима вражьиими прилоги, / благоверного князя Глеба пёсньми почтём, / иже, нивчтóже вменив вся красная мира сего, / кротостию и смирением посрамí противнаго врага / и ныне мо́лит о спасёнии душ наших.

**Слава, и ныне, Богородичен:**

Ужасно чúdo зачатия и несказанен образ рождества / в Тебе позна́ся, Дево Чистая, / ужасает мой ум и удивляет помысл. / Слава Твоя, Богородице, всем прострётся ко спасёнию душ наших.

**Величание:**

Величаём тя, / святы́й благоверный княже Глебе, / и чтим святу́ю па́мь твою́, / ты бо мо́лиши за нас / Христа́ Бо́га нашего.

**Псалом избранный:** Блажен муж, бойся Господа:

**По полиелёи седален, глас 8:**

Благочёстно на земли в законе Господни пожив, / веру непорóчну соблюл еси́ в сердце твоём, скончав добрый подвиг, / семена добродетелей сеяв, пожал еси́ плоды трудов твоих / и венец сугуб от руки́ Вседержителя приял еси́, блаженне княже Глебе, / и Того́ славы сподобился еси́. / Тёмже, предсто́я Святе́й Троице, моли́ спасти́ град и лю́ди, / чту́щия любóвию святу́ю па́мь твою́.

**Слава, и ныне, Богородичен:**

Воплощённаго Бо́га от Твоея́ утробы́ рóждши, Пречистая, / мене́, растлённаго грехами́ от прилог лукаваго, укрепи́, Мати́ Божия, / и сердце моё очисти́, Богоблагодатная, матерними Твоими́ мо́лтвами, / да и аз зову́ Ти: / моли́ Христа́ Бо́га, Сы́на Твоего́, Мари́е Богородице, / поми́ловати ста́до Твоё, е́же стяжала́ еси́, Всенепорóчная.

**Степенна, 1-й антифóн 4-го гласа. Прокíмен, глас 4:** Праведник, яко́ фíникс процветёт / и, яко́ кедр, иже в Ливáne, умно́жится. **Стих:** Насаждёни в до́му Господни во двóрех Бо́га нашего́ процвету́т. **Евángелие от Луки́, зачáло 35.**



**По 50-м псалмѣ стихира, глас 6:**

**Блаженне Богомудре княже Глѣбе,** / ты, яко земля добрая, / восприяв Божественная семена слова Божия, / добрым сердцем и благим соблюл еси сия / и плод сториичный принесл еси, / сего ради и Господь тя возлюбил / и, юна суща, престави в Небесныя обители, / идеже ныне предстоит Ему, / молися о чтущих память твою.

**Канон Богородице со ирмосом на 6 и святаго на 8, глас 2.**

**Песнь 1**

**Ирмос:** *Во глубинѣ постла иногда / фараонитское всеобинство преоруженная сила, / воплощающееся же Слово всезлбный грех потребило есть: / препрославленный Господь славно бо прослави-ся.*

**Высоко житие имей и Божественными восхожденіи весь светел быв,** / просвещение ми испроси, восхваляющему честныя твоя подвиги, / и между добре пожив, получил еси, княже Глѣбе, ихже надеялся еси.

**Божественная любя учения и во чтении священных Писаний упражняся,** / сладостей уклонился еси, блаженне, смрадных и безчестных, / и украсился еси благодатными дарованиями.

**Дремание очию от души,** блаженне, отгнал еси, / во бдениях пребывая и всенощными стоянии Богу приобщаяся, / темже ко дню невечернему достигл еси.

**Богородичен:** *Яко чертог одушевлен Божий / и камильницу мысленнаго и светоноснаго угля, / Присноблагодатную Богородицу ублажаем, зовуще: / радуйся, Ходатаице спасения нашего.*

**Песнь 3**

**Ирмос:** *На камени мя веры утвердив, / расширил еси уста моя на враги моя, / возвесели бо ся дух мой, ввсегда пети: / несть свят, якоже Бог наш, / и несть праведен, паче Тебе, Господи.*

**Глаголом жизни внимая,** испил еси воду спасения, / возгнушався горькаго греха, / и, поя, глагодал еси Богу, блаженне Глѣбе: / несть свят, паче Тебе, Господи.

**Милосердием** подражал еси Христу, / раздал еси богатство требующим, / Небесное же богатство получил еси, славне Глебе, вопия: / несть свят, паче Тебе, Господи.

**Прилепясь** Зиждителю любовью Божественною, / приял еси Небесное наследие / и древа животворнаго причастник быти сподобился еси, блаженне, поя: / несть свят, паче Тебе, Господи.

**Богородичен:** Ангелов Честнейшая, / Зиждителя Ангелов во утробе носила еси / и родила еси неизреченно на избавление человеком, поющим: / несть, Пречистая, разве Тебе, Владычице.

#### **Седален, глас 4:**

**Богат** сый, благими деянии / искусился еси, яко злато в печи, многотрудными подвиги, славне Глебе, / темже и по смерти источаеши богато чудеса, яко воды, и недуги исцеляеши, / о нас присно моляся, / да согрешений прощение приемем.

#### **Слава, и ныне, Богородичен:**

**Чистая, Всенепорочная и Неискусомужная,** / яже Единого Безлетнаго Сына и Слова Божия в лето рождши, / Сего моли со святыми апостолами и блаженным князем Глебом / даровати нам очищение и велию милость.

#### **Песнь 4**

**Ирмос:** Пришел еси от Девы, не ходатай, ни Ангел, / но Сам, Господи, воплощся, / и спас еси всего мя, человека, / тем зову Ти: слава силе Твоей, Господи.

**Учения** отеческая храня невредимо, / православно мудрование ты от младенства имел еси и житие чистое / и милосерд был еси, досточудне.

**Ни** молва мирская, ни слава княжеская, ни богатство временное, / твоего к Богу устремления угаси, княже Глебе, / но возлюбил еси крепко богоугодныя подвиги.

**Возвышаемь** всегда Божественными поучении, врага смирил еси / и исцелений благодать приял еси от Господа, блаженне Глебе.



**Богородичен:** Всепята, / воинства Горними пе-  
ваемаго Бѳга родила еси, / Человека воистинну  
бывша, / Егѳже о рабѳх Твоих молящи не престаи,  
Приснодево.

### Песнь 5

**Ирмос:** Просвещѳние во тьме лежащих, спасѳние  
отчаянных, Христѳе, Спасе мой, / к Тебѳ утренюю,  
Царю мѳра, / просвети мя сиянием Твоим, / иного  
бо, разве Тебѳ, бѳга не знаю.

Рака мощей твоих, искапаючи сладость богат-  
ных исцелѳний, / от верою чтущих тя, блаженне  
Глѳбе, страсти отгоняет / и поалает бесѳв вся  
полки.

Ныне на тебѳ чудо велие зрѳтся и ужаса  
исполнено: / како по погребѳнии тѳло твоѳ, бла-  
женне, много лет во грѳбе лежащее, / нетленно  
соблюдѳся промышлѳнием Божѳственным.

Слава твоему к Бѳгу дерзновѳнию, / слава  
устремлѳнию, еже в сѳрдцы твоѳм к Нему имѳл  
еси: / благо пожѳв, блаженне Глѳбе, просиял еси  
преславно Божѳственными светлостьми / и возве-  
селѳл еси верных собѳры.

**Богородичен:** Нас ради из Тебѳ Воплѳщшагося,  
Дѳво Мати, всегда моли, / благочѳстно Тя блажа-  
щим избавитися бед, и душетленных страстей, / и  
печалей, и вѳчнаго пламени мучѳния.

### Песнь 6

**Ирмос:** В бѳздне грѳховней валяяся, / неизслѳд-  
ную милосѳрдия Твоегѳ призываю бѳздну: / от тли,  
Бѳже, мя возведи.

Пѳдвиги твоѳ, блаженне, источаюот чтущим тя  
утѳшѳние, и радование, / и исцелѳния во хвалу  
Христѳа Бѳга нашего.

В дому Бѳжии процвел еси / и, яко виноград  
многоплѳден, добродѳтелей грѳздие Домовладѳще  
принѳсл еси.

Царства Бѳжия возжелѳл еси / и, над страстьми  
воцарѳвся, славне Глѳбе, / радость правѳдных  
получѳл еси.

**Богородичен:** Избранна Бѳгу бывши, яко прек-  
расна, / сѳло пространное Сему, Дѳво, была еси, / и  
чертог, и свѳцник, и трапѳза.

### Конда́к, глас 8:

**В** збра́нному и кре́пкому в пра́ведницех, / правосла́вною му́дростию сия́ющему вели́кому чудотворцу, / благодáрственная воспису́ем ти, благове́рный кня́же Гле́бе: / я́ко имéя дерзнове́ние у Престо́ла Христо́ва, / véрою чту́щих тя, град и лю́ди сохра́няй моли́твами тво́ими: / ты бо еси́ земли́ Росси́йския похва́ла и утвержде́ние.

### И́кос:

**В**сечестну́ю па́мять почти́м уго́дника Христо́ва, благове́рнаго кня́зя Гле́ба, / оте́ческой диади́мою от ю́ности укра́шена, / и ра́достныя глаго́лы от се́рдца воззове́м к нему́, си́це вопию́ще: / ра́дуйся, от ю́ности Бо́га возлюбивый; / ра́дуйся, благоче́стия столпе́, вра́жиими прило́ги непоколебимый. / Ра́дуйся, за́поведей Господних испо́лнителю усердн́ый; / ра́дуйся, предáний оте́ческих хранителю́ неосла́бный. / Ра́дуйся, сугубу́ю сла́ву Небесну́ю от Бо́га получи́вый: / ра́дуйся, благодáть исцелéний от Него́ прия́вый. / Ра́дуйся, ни́щих и си́рых пита́телю; / ра́дуйся, лю́те боля́щих целителю́. / Ра́дуйся, во́инству правосла́вному спобо́рниче; / ра́дуйся, правосла́вных люде́й за́щитниче. / Ра́дуйся, Це́ркве Бо́жия сла́во; / ра́дуйся, гра́да Влади́мира красото́. / Ра́дуйся, земли́ Росси́йския похва́ло и утвержде́ние.

### Песнь 7

**Ирмо́с:** *Богопроти́вное велéние беззако́ннующаго мучи́теля / вы́сок пла́мень вознесло́ есть. / Христо́с же простре́ Богочестивым отро́ком росу́ духо́вную, / Сый благословéн и препросла́влен.*

Си́лою Бо́жиею укрепле́н, / плоти́ удержáл еси́ стремле́ния / и ум напра́вил еси́ к Небесным, поя́ в кре́пости: / благословéн еси́, Бо́же оте́ц наших.

Богоуго́дны нра́вы стяжа́л еси́, кня́же Гле́бе, / в поучéнии Богоду́ховенных писáний упражня́ясь, / еди́наго Го́спода всею́ душо́ю тво́ею возлюбил еси́, блаже́нне.

Го́рняго Ца́рства, Вы́шняго гра́да, Бо́жия ра́я, / пра́ведных наслажде́ния, пи́щи нетле́нныя, богат-



ства некрадомага, / Свѣта невечѣрняго сподобился еси, блаженне Глѣбе.

**Богородичен:** Егѣже родила еси, Владычице, присно моли / от работы страстем избавити мя, и от осуждения, / и от стужающаго ми лютаго окаменения, Чистая Богорадованная.

### Песнь 8

**Ирмос:** Пещь иногда огненная в Вавилоне действия разделяше, / Божиим велением халдеи опаляющая, / верныя же орошающая, поющия: / благословите, вся дела Господня, Господа.

Памятуя присно Суд страшный, / во умилении сердца изливал еси потоки слез, / погашая теми пламень страстей, Глѣбе Богомудре.

Душею твою возлюбил еси Господа, мудре Глѣбе, / и Тому прилепился еси, вопия: / Христе мой, Ты мя избави от смертоносных страстей во веки.

Разум имея, Богом просвещаемый, / исполнитель Владычных словес явился еси, / десныя возлюбив стези, шуиих же уклоняся, яко мудр, / темже ты почитаем, Богомудре, во веки.

**Богородичен:** Всех Содетель от кровей Твоих чистых зиждется / и млеко питается, питая всякое дыхание, Дево Богородице, / темже яко Божию Матерь Тя величаем.

### Песнь 9

**Ирмос:** Безначальна Родителя Сын, Бог и Господь, / воплощся от Девы, нам явися, / омраченная просветити, обрати расточенная. / Тем Всепетую Богородицу величаем.

Видети возделев славу Бога нашего, / добродетельми себе украсил еси / и, в Небесный чертог вшед, со Ангелы живещи / и яснее наслаждаешися Боговидения.

Мудростию и разумом просвещаемь, / смирением сердца украшен и высотю жития сияя, / к Небесным пришел еси обителем, / идеже нас помяни, почитающих тя, княже Глѣбе.

Память празднственную и благ всех ходатайственную совершаем / честнаго Твоего от земли

преставлѣния: / ты бо угóдник Госпóдень и заповедей Тогó дѣлатель / явился еси непостыден, досточудне Глѣбе.

**Богорóдичен:** Мáти свѣта явилася еси, Владычице, / тѣмже молю Тя, Богоневѣсто: / дýшу мою свѣтом Сына Твоегó озарí / мольбáми князя Глѣба Богомýдраго.

### Светíлен:

Божѣственною благодáтию просветíвся, / и по смѣрти показáл еси свѣтлость житíя твоегó, / источáеши бо всем благодáть, притекáющим к тебѣ, всеблаженне Глѣбе, / и мóлиши спастíся чтúщим тя.

### Слáва, и ны́не, Богорóдичен:

**В** Тя вселíся, Приснодѣво Богорóдице, Содѣтель и Госпóдь всех / и Едíному Трипостáсному Божествú поклоня́тися / благочестíвыми князьми в Россíйстей землí лю́ди научí и просветí.

### На хвалíтех стихíры на 4, глас 8.

**Подóбен:** О, преслáвнаго чудесé:

Блаженне Богомýдре княже Глѣбе, / чíстая тво́я душá / правовѣрною мýдростию сияючи, / блистáет добродѣтелей свѣтлостíю, / и озаряет вѣрных собрáние, / и бесóвскую тьму отгоняет, / тѣмже я́ко наслѣдника тя Небѣсныя слáвы / благочестно вси почитáем, досточудне.

Имѣя дýшу мíлостиву / и сѣрдце чíстое, / вѣру неблáзненну и любóвь нелицемѣрную, / от землí престáвился еси к Небѣсным / и с лíки праведных водворя́еши, / тѣмже тя почитáем священными пѣсньми / и благочестно вси слáвим, / блаженне Глѣбе.

Божѣственными учѣнии укрепля́ясь, / стра́сти плотскíя от душí отгна́л еси / и Святы́я Трóицы селѣние чíсто был еси, / тѣмже к Божѣственному наслаждѣнию отшѣл еси, / честное же тѣло твоѣ чудесне соблюде́ся / Божѣственным промышлѣнием / Прославля́ющаго тя, / блаженне Глѣбе.



### Слава, глас тойже:

**Ра́дуйся, блаже́нне Гле́бе, / гра́ду Влади́миру похва́ло; / ра́дуйся, землі Росси́йския засту́пниче. / Ра́дуйся, ве́рных огражде́ние; / ра́дуйся, Це́ркве Бо́жия украше́ние. / Ра́дуйся, пра́вило ве́ры и благоче́стия; / ра́дуйся, оби́тель Святы́я Трои́цы, / Ю́же моли́ о почита́ющих святу́ю па́мять твою́.**

### И ны́не, Богоро́дичен:

**Влады́чице, прими́ моли́твы раб Твои́х / и изба́ви нас / от вся́кия ну́жды и печа́ли.**

### НА ЛИТУРГИИ

**Блаже́нны от канона, пе́сни 3-я и 6-я. Прокі́мен, глас 7: Возвеселі́тся пра́ведник о Го́споде / и упова́ет на Него́. Стих: Услы́ши, Бо́же, глас мой, внегда́ моли́ти ми ся к Тебе́. Апосто́л ко Евре́ем, зача́ло 326. Аллилу́ия, глас 4: Пра́ведник, я́ко фи́никс, процвете́т и, я́ко кедр, и́же в Лива́не, умно́жится. Стих: Насажде́ни в дому́ Господни во дво́рех Бо́га на́шего процвету́т. Ева́нгелие от Лу́ки, зача́ло 67. Прича́стен: В па́мять ве́чную:**

**Святой благоверный князь Владимирский Глеб** (†1175) был младшим сыном святого князя Владимирского Андрея Боголюбского (1157—1174). Жизнь его была очень короткой (святой Глеб умер в возрасте 19—20 лет), но с самого раннего детства она была посвящена Богу.

Отец святого Глеба, благоверный князь Андрей Боголюбский, не только прославился своими богоугодными делами, но и окончил свой земной путь, приняв мученическую кончину. Благочестивые родители воспитывали сына в страхе Божием, и поэтому он, имея достойные образцы для подражания, возрастал в глубокой и искренней вере. Святой князь был милостив ко всем, почитал священнослужителей и подолгу читал Божественные книги. Скончался святой Глеб, согласно надписи на гробнице с его мощами, 20 июня 1175 года.

У мощей святого, которых не коснулось тление, неоднократно совершались чудеса. Во время монголо-татарского нашествия в 1238 году, когда в осажденный Владимир ворвались воины хана Батыея, они подо-

жгли кафедральный собор Успения Пресвятой Богородицы. Находившаяся в храме гробница с мощами святого Глеба не получила от огня никаких повреждений, чему дивились даже неприятельские воины.

Соборные летописи сообщают еще о двух знамениях, прославивших имя святого. В 1410 году на Владимир неожиданно напало татарское войско, действовавшее совместно с отрядом нижегородского воеводы Карамышева. Успенский собор был разграблен, но сокровища ризницы успел спрятать ключарь Патрикий, за что был подвергнут истязаниям и принял мученический венец. Один из воинов в поиске спрятанных сокровищ поднял крышку гробницы благоверного князя, но в это же мгновение из нее вышел огонь. Это так устрасило татар, что они тотчас покинули храм.

В 1608 году польско-литовские войска, заняв Суздаль и Юрьев, приступили к беззащитному в то время Владимиру, но овладеть городом так и не смогли. Ночью соборному причетнику было видение, в котором явившийся ему святой князь Глеб

поведал, что Владимир будет спасен молитвами святых князей, мощи которых почивают в соборе. Той же ночью неприятельская армия, уstraшенная гневом Божиим, отступила от города.

О местном почитании святого Глеба свидетельствует описание Успенского собора, относящееся к XVII веку. Общероссийская канонизация благоверного князя была совершена 30 ноября 1702 года, вместе с освидетельствованием его мощей. Вскоре была составлена служба святому, а несколько позже написано его житие. В 1774 году южный придел Успенско-

го собора был торжественно освящен во имя благоверного князя.

Мощи святого Глеба сохраняются ныне в кафедральном Успенском соборе Владимира как великая святыня, а сам князь почитается покровителем города.

### Литература

1. Доброхотов В. И. Памятники древности во Владимире Кляземском. М., 1849, с. 14 — 15.

2. Иоасаф, иеромонах. Церковно-историческое описание Владимирских достопамятностей. М., 1857, с. 81 — 84.



В  
ТОЙЖЕ  
ДЕНЬ

## Святителя Гурія, перваго архіепіскопа Казанскаго

Твореніе святаго Димітрія,  
митрополіта Ростовскаго

НА МАЛОЙ ВЕЧЕРНИ

Стихіры, глас 1.

Подобен: Небесных чинов:

**Н**ебесным причтен быти желая, / земная презре  
от юности, / предпочте Горняя паче дольних /  
святитель Христов Гурій, / на егоже святыя за ны  
к Богу молитвы / упование возложихом.

**Н**ебесным присоединися чином, / земный Ангел,  
Небесный человек, / во плоти Безплотных быв  
подражатель, / с нимиже ныне предстоит Христо-  
ви, / молится о рабах своих, / упование по Бозе  
нань возлагающих.

**Н**ебесных гражданине, Ангелов сожителю, /  
иерархов сопричастниче, / наследниче Царствия  
Христова, / о нас, чадах твоих, молися, / упование  
на тя возложших.

Слава, глас 2:

**П**риидите, христоименити людие, / Христова  
служителя память честне почтим, / иерарха Гурія  
святаго: / той бо, аще и отыде от нас душею, / обаче



присутствует нам честными мощми своими./ Со Ангелы водворился есть,/ человеком же пособствует,/ оставил есть земная, но не оставил есть чад своих,/ отлучился есть стада своего пастырь наш добрый,/ но от Горняго восшествия назирает овцы своя / и молится Христу Богу о душах наших.

### И ныне, Богородичен:

Спаси от бед рабы Твоя, Богородице,/ яко вси по Бозе к Тебе прибегаем,/ яко нерушимей стени и предстательству.

### На стиховне стихиры, глас 2.

Подобен: Дому Евфрафов:

Дом Духа Святаго / от юности содеяся / угольник Божий Гурий, / ныне же в Небесный дом / душею преселися от земных.

**Стих:** Уста моя возглаголют премудрость / и поучение сердца моего разум.

Храм бысть Духу Святому / девственное тело его, / сосуд духовнаго мира, / того ради почтеса / от Бога нетлением чудным.

**Стих:** Священницы Твой облекутся в правду, / и преподобнии Твой возрадуются.

Дом Пречистыя Богоматере, / имея в себе честныя твоя мощи, / Гурие святителю, / веселится о источаемых от тебе цельбах / и радостно прославляет чудеса твоя.

### Слава, глас 8:

Душевную чистоту и телесную возлюбив, / угольнике Божий, добронравие стяжал еси, / смирением и кротостию украсился еси, / того ради господин твой земный / в дому своем почтил есть тя паче сверстник твоих. / Ты же, преподобне, верне тому работая, / вся чувственная устраивал еси честно, / Духом же Христу угождал еси, / присвоаяся Тому добродетельми. / Он же тебе в Небеснем Царствии Своём / возмездие даде вечно, / сотворив тя наследника некончаемых Своих благ, / на земли же честныя твоя мощи чудесы обогатил есть. / Ты же, Емю ныне предстоя, / молися о чтущих память твою.

### И ныне, Богородичен.

Тропарь писан на велицей вечерни.

## НА ВЕЛИЦЕЙ ВЕЧЕРНИ

**На Гóсподи, воззва́х: стихы́ры, глас 5.**

**Подóбен: Ра́дуйся:**

**Ра́дуйся, иерáрше Христóв, / вели́кий уго́днице  
Бо́жий, / служи́телю Боже́ственных та́ин достóй-  
ный, / чи́стый и честный сосóуде Свята́го Дúха, /  
носи́вый Бо́га в се́рдце твоём вóну, / во уста́х же  
благодáть излива́ющуюся имéвый, / па́стырю  
дóбрый, учи́телю премóдрый, / наста́вниче изря́д-  
ный, / кóрмчию корабля́ церкóвнаго иску́сный, /  
прави́телю чу́дный, путево́дителя́ изве́стный, /  
óтче святите́лю Гúрие, / твоими моли́твами почер-  
па́ем от Христа́ Бо́га ве́лию ми́лость.**

**Ра́дуйся, ле́пото Росси́йская, / сла́во новопро-  
свещéнному твоёмú гра́ду, / красото́ церкóвная,  
добрóто престо́ла архиере́йска, / честь иерáрхов,  
похвалó мона́шествующих, / весéлие люде́й ве́р-  
ных, / ра́дование печáльных, целéбниче больны́х, /  
безме́здный врачу́ недужных, / помо́щниче беспó-  
мощных, / сла́досте огорчéнных беда́ми, / исто́чни-  
че неоску́дный к тебе́ притека́ющим, / тобо́ю  
почерпа́ем от Христа́ Бо́га ве́лию ми́лость.**

**Ра́дуйся, новопросвещéнный гра́де Казáнь, / та-  
кова́го сподóбивыйся имéти в себе́ гражда́нина, /  
и́же, я́ко дар, свýше от Бо́га дарова́ся тебе́, / и, я́ко  
бога́тство неоску́дное, посла́ся тебе́, / и, я́ко дра-  
жа́йшее сокрови́ще, вверися ти, / нетле́нная цель-  
бопода́тельныя мо́щи вели́каго Бо́жия архиере́я  
Гúрия, / апо́стольски в странé твоёй потрудивша-  
гося, / тьму нечестия́ от тебе́ отгна́вшего, / свет же  
ве́ры в ро́дех твои́х возсия́вшего, / защи́тника и  
засту́пника твоего́, / стено́ю моли́тв свои́х крѣпце́  
тя огражда́ющего, / Бо́гу о тебе́ предста́тельствую-  
щего и моля́щегося вóну, / да прие́млеши всегда́  
ве́лию ми́лость.**

## И́ны стихи́ры, глас 2.

**Подóбен: Кíими похва́льными венцы́:**

**Кíими похва́льными венцы́ / венча́ем святите́-  
ля? / Предстоя́щаго на Небеси́ Бо́гу, / не оставля́-  
ющего́ же нас дúхом, / Казáнстей Цѣркви предсто-  
я́теля, / трудо́в проповѣднических причáстника, /  
нравов апо́стольских подража́теля. / Сей бо вой-**



стинну есть досто́ин безсме́ртныя сла́вы, / егóже венча́ет на Небесі́ Христос́ Бог наш, / имéяй véлию мѝлостъ.

**К**ѝими пѣсенными добрѣтами / восхва́лим Гүрия святѣтеля? / Хвалу́ воспѣвшаго Бѣжию посреде́ рѣда неvéрных / и Богопознáнием мнѣгих вразумѣвшаго, / грѣшныя от заблуждѣния обратѣвшаго / и Ангелом мнѣгу радѣсть сотворшаго. / Сей войстинну досто́ин уста́ Бѣжия нарещѣся / и прѣяти венѣц на Небесі́ от Христа́ Бѣга нáшего, / имѣщаго véлию мѝлостъ.

**К**ѝими духо́вными пѣснями / похва́лим святѣтеля? / Мѝро от мощѣй своѣих источѣвша, / болѣзни от человек прогна́вша, / цельбáм истѣчник я́вльшася, / Казáни прѣкрасное удобрѣние / и всея́ Россіи украшѣние, / нѣваго чудотворца, безмѣднаго врача́. / Егóже прославля́ет Христос́ Бог наш, / имéяй véлию мѝлостъ.

### Сла́ва, глас 6:

**С**вятáя и вели́кая Цѣрковь сла́внаго гра́да Казáни / со архиере́и и священными собѣры свѣтло торжествует, / прáзднующи пренѣсение чудотворных мощѣй пáстыря своего́, / хвала́ми, я́коже цветы́, Господня́ служѣтеля венча́ет, глаго́лющи: / раду́йся, миротѣче нѣвый, благоухáяй чудесы́; / раду́йся, в Горнем Сиѣне с дѣвственным ли́ком послѣдуя́ А́гнцу; / раду́йся, на брак Того́ во оде́янии бра́чном вше́дый, / убелѣл бо есѣ́ плотскѣю одеждѣ твою́ / мнѣгими слезáми и дол́гим страдáнием. / Раду́йся, я́ко звезда́ ўтренняя, на Небесѣх возсия́вый; / раду́йся, я́коже со́лнце, в Цáрствии Небѣснем просветѣвѣйся, / земна́я же озаря́я чудесною́ благодáтию, / от мощѣй твоѣих исхѣдѣющею. / Тѣмже мо́лим тя, свя́те: / предсто́я́ Святѣй Трѣице со А́нгелы, / испросѣ́ всея́ Россі́йстей странѣ́ и гра́ду твоѣму́ / мир и душáм нáшим véлию мѝлостъ.

### И ны́не, Богорѣдичен.

**Вход. Прокѣмен. И чтѣния святѣтельская.**

**Прѣтчей чтѣние (гла́вы 3 и 8):**

**Пáмьятъ прáведнаго с похвала́ми, / и благословѣ́ние Господне́ на главѣ́ егѣ́. / Блаже́н человек, ѣ́же**

обрёте премудрость, / и смертен, иже уведе разум. / Лучше бо сию куповати, нежели злата и сребра сокровища. / Честнейшая же есть камней многоценных, / все же честное недостойно её есть. / Долготá бо дний и лета животá в деснице её, / в шуйце же её богатство и слава. / От уст её исходит правда, / закон же и милость на языке носит. / Послушайте убо мене, о чада, честная бо реку, / и блажен человек, иже пути мой сохранит: / исходи бо мой — исходи животá, / и уготовляется хотение от Господа. / Сего ради молю вас и предлагаю мой глас сыновом человеческим: / яко аз, премудрость, устроих совет / и разум и смысл аз призвах, / мой совет и утверждение, / мой разум, мой же крепость. / Аз мене любящая люблю, / ищущии же мене обрящут благодать. / Разумейте убо, незлобивии, коварство, / ненаказаннии же, прилагайте сердца. / Послушайте мене и паки, честная бо реку, / и отверзу от устен правая, / яко истине поучится гортань мой, / мерзки же предо мною устны лживыя. / С правдою вси глаголы уст моих, / ничтоже в них стропотно, ниже развращенно. / Вся права суть разумевающим и проста обретающим разум. / Научаю бо вас истине, / да будет о Господе надежда ваша, / и исполнитесь Духа.

### **Премудрости Соломоновы чтение (главы 10, 6 и 8):**

**Уста праведнаго каплют премудрость, / устне же мужей мудрых ведят благодать. / Уста мудрых поучатся премудрости, / правда же избавляет их от смерти. / Скончавшуся мужу праведну, не погибнет надежда. / Сын бо праведен раждается в живот / и во благих своих плод правды обьмет. / Свет праведным всегда, / и от Господа обрящут благодать и славу. / Язык мудрых добрая свесть, / и в сердце их почиет мудрость. / Любит Господь преподобная сердца, / приятни же Ему вси непорочнии в пути. / Мудрость Господня просвещает лице разумнаго. / Постигает бо желающия ю, прежде даже разумети ю, / и удобь узрится от любящих ю. / Утреневавый к ней не утрудится, / и бдяй её ради вскоре без печали будет. / Яко достойных её сама обходит, ищущи, / и во стезях её является**



им благоприёмне./ Мудрости никогдаже одолеет злоба./ Сих ради и рачитель бых доброты ея,/ и возлюбих ю, и поисках от юности моея./ И взысках невесту привести себе, яко всех Владыка возлюбил ю./ Тайбница бо есть Божия хитрости и обретательница дел Его./ Труды ея суть добродетели,/ целомудрию же и разуму та учит, правде и мужеству,/ ихже потребнее ничтоже есть в житий человеком./ Аще же и многого искусства желает кто,/ весть древняя и быти хотящая разсмотрит./ Свесть извятия словес и разрешения гаданий:/ знамения и чудеса проразумеет и сбытия времен и лет/ и всем советник есть благ,/ яко безсмертие есть в ней и благославие во общении словес ея./ Сего ради беседах ко Господу, и помолихся Ему,/ и рех от всего сердца моего:/ Боже отец и Господи милости,/ сотворивый вся словом Твоим/ и мудростию Твоею устроивый человека,/ да владеет бывшими от Тебе тварьми/ и да управляет мир в преподобии и правде./ Дажь ми Твоих престолов приседящую премудрость/ и не отлучи мене от отрок Твоих,/ яко аз раб Твой и сын рабыни Твоея./ Посли ю с Небес от святого жилища Твоего/ и от престола славы Твоея,/ да, сущи со мною, научит мя, что благоугодно есть пред Тобою./ И наставит мя в разум,/ и сохранит мя в славе своей./ Помышления бо смертных вся боязлива/ и погрешительна умышления их.

### Премудрости Соломоновы чтение

(главы 4, 6, 7 и 2):

Похваляему праведнику, возвеселятся людие./ Безсмертие бо есть память его,/ яко от Господа познавается и от человек,/ и угодна Господеву душа его./ Возлюбите убо, о мужие, мудрость, и поживете,/ восхощите ея, и наказани будете./ Начало бо ея—любви и соблюдение закона./ Почтите премудрость, да во веки царствуете./ Возвещу вам и не скрью от вас тайн Божиих,/ яко Той мудрости наставник есть, и мудрых исправитель,/ и всякому смыслу и делу Хитрец./ И всем смыслом научит мудрость,/ есть бо в ней Дух разумен и Свят,/ и сияние Света присносущнаго, и

образ благаго Божия. / Та други Божия и пророки устроает, / благолепнейши же есть солица и паче всякаго сотворения звезд, / свету сосуждаема, обретается первейши. / Та угождающих ей от болезней избави / и настави на стези правыя. / Дадé им разум имéти свят, и сохрани́ я от ловящих, / и подвиг крепок подадé им. / Да разумеют вси, яко сильнейши всего есть благочестие. / И никогдаже преможет злоба мудрости, / ниже прейдет, злыя обличаючи, суд. / Рекоша же в себе, помысливше неправедно: / насильствуем праведному, не пощадим преподобства его, / не усрамямся седин старости многолетны. / Будет бо нам крепость закон, / и уловим праведнаго, яко неугоден нам есть, / и противится делом нашим, и поносит нам отпадение закона, / и обличает нам согрешения наказания нашего. / Возвещает нам разум имéти Божий / и отрока Господня себе именует. / Бысть нам на обличение помышлением нашим, и тяжек нам есть, / и видим, яко неподобно иным житие его и изменены стези его. / В поругание вменихомся ему, / и удалается от путей наших, яко от нечистот, / и блажит последняя праведных. / Видим убо, аще словеса его истинна суть, / искусим, яже сбываются ему. / Руганием и мукою истяжем его, да разумеем кротость его, / и искусим беззлобство его, смертию безобразною осудим его, / будет бо посещение от словес его. / Сия помыслиша и прельстишася: / ослепи бо я злоба их, и не разумеша таин Божиих, / и не рассудиша, яко Ты еси Бог един, / живота имей и смерти власть, / и спасаай во время скорби, / и избавляй от всякаго зла. / Щедр и Милостив, и дая преподобным Своим благодать, / и Своєю мышцею гордым противляясь.

### На литии стихира храма и святому, глас 2:

Иераршестии сонми радуются о тебе, святителю Гурие, / с нимиже и Христова Церковь ликовствует, / мощей твоих честных пренесение празднующи, / весело и благодарственно Богу воспева-ет, / великое сокровище ей в них даровавшему / и



молітвами твоими подающому всем богáтую мѣлость.

**Настá** свѣтлый нам прázдник/ пренесѣния честныхъ мощей святителя Гúрия:/ радуйся, вѣрный граде Казáнь,/ се бо недра земная возвратиша тѣло нетлѣнное/ твоего отца и пастыря/ и храм Божия Матере/ восприятъ внутрь себя честныя того мѣщи,/ душа же его святая,/ в Горней нерукотворенней Цѣркви ликовствуя со иерархи,/ молитъ Архьерѣя Великаго,/ Небеса прошедшаго, Владыку Христа,/ да милостивъ будетъ людемъ Своимъ/ и подастъ мир и тишину Россійстей странѣ,/ крѣпость градовомъ, изобиліе земныхъ благ/ и Небесныхъ да не лишитъ вся вѣрныя.

### Слáва, глас 8:

**Приидите,** казанстии людіе,/ принесите ныне пѣние и молѣние своему первосвятителю/ и воспойте ему красное от души хвалѣние:/ той бо начáтокъ бысть проповѣди Божественныя агаряном,/ просветитель во тьме седящим,/ заблуждшимъ наставникъ и руководитель ко спасенію,/ многія привѣд ко Христу Богу./ Емуже аще и вѣну на Небесахъ предстоитъ,/ обаче и земная посещаетъ,/ и на прázдникъ свой от Горнихъ приходитъ,/ и возвеселяетъ собранныя люди своя,/ зритъ поклоняющіяся святому образу Его/ и слышитъ молітвы молящихся/ и приноситъ я ко Владыце./ Единогласно ўбо воззовѣмъ къ нему:/ о великий ѡтче нашъ, святителю Гúрие,/ никогдаже остави насъ, чадъ твоихъ,/ но посещай всегда мѣлостію твоею/ и молітвами твоими соблюдай насъ,/ буди с нами, и никтоже на ны.

### И ныне, Богородичен.

#### На стиховне стихиры, глас 2.

Подобенъ: Егда от Древа:

**Егда** завистнии клеветѣти твой/ оклеветаша ты къ господину,/ неправду сплетаяще на ты, праведнаго,/ истинный рабе Христовъ Гúрие,/ неповинна рукама и чиста сердцемъ,/ тогда, яко древняго в Египте Иосифа,/ мрачная темница ты приятъ,/ тѣсныя ты ўзы угнетоша,/ злостраданіе же и глад истнѣ твоѣ тѣло./ Обаче Бог ты не остави,/ и в

тёмнем бо мѣсте чистотѣ совѣсти твоея, / якоже зарѣ, пред Всевѣдцем сѣяше, / целомудрие же твоѣ и Ангелом бысть извѣстно, / и готовяхуся тебѣ за терпѣние свѣтлыя венцы. / Ты же благодарно воспевал еси: / слава смотрѣнию Твоему, Человеколюбче.

**Стих:** Уста моя возглаголют премудрость / и поучѣние сердца моего разум.

Егда нечеловѣческой снѣдью / в темницѣ был еси питаемъ, страдалъче, / на три дни по единому снопу овса приѣмля, / тогда некий от другѣ твоих, / тайно приходѣ к узилицу твоему, обещахешя тебѣ приносѣти пищу. / Ты же отнюд не восхотѣл еси, / довлѣяся скотоподобным питанием: / слово бо Божіе насыщаше душу твою / и надежда в Бозѣ укрепляше тя, / неповинность же твоѣ бысть, яко пированіе, / слѣзы же твоѣ быша тебѣ хлеб день и ночь, / от сердца же твоего благодарно к Богу взывал еси: / слава сицевому Твоему о мене устроению, Человеколюбче.

**Стих:** Священницы Твоѣ облекутся в правду, / и преподобнии Твоѣ возрадуются.

Егда по двулѣтнем злострадании / восхотѣ тя Господь извести на свободу, / тогда свет возсия тебѣ в дверѣх темницѣ / и невозбранное изшествіе уготовася тебѣ. / Услыша бо Вышній молитву твою, / и воздыханія твоѣ проидоша облаки, / слѣзы же твоѣ пред Бога въздоша, / смотрѣние же Владычне, якоже Иосифа Египту, / предустрояше тя духовнаго питателя / алчущей слова Божія странѣ агарянстей / и престол тебѣ в ней готовяше, / да управляеши новыя Христовы люди / и насыщашаши я брашном, пребывающим в животъ вѣчный. / Ты же, о всем благодарѣ Творца своего, / радуяся, воспевал еси: / слава многуму милосердію Твоему, Человеколюбче.

### Слава, глас 6:

Не подобаше первопрестольней Казанстей Цѣркви / лишатися своего первоседателя, / иже первый бысть архиерей новопросвещенному граду; / не подобаше и архиерѣю, жениху сущу цѣрковному, / аще и по преставленіи, вне невесты



своея бѣти, / с неюже изначала духовным союзом сопряжеса / и украси ю благоверием и благочестием, / аки дражайшими утварьми. / Того ради честныя его мочи / в первопрестольную церковь славно принесошася, / и украсися паки престол своим первоседателем, / весело ликуя, Церковь прият своего святителя и воззва, глаголя: / откуда мне сие, да прииде служитель Господа моего ко мне? / Се бо, яко коснуса рака твоя прага \* моего, / взыграша чада моя радощами о тебе, отце своем, / аз же ты любезне приемлю в недра моя; / ты же, о архиерею Божий, / вшед, прими твое истое место, / водворися, пастырю, в твоей ограде, / молебная же уста твоя отверз, / испроси мир миру, / тишину Россійстей странѣ / и всем верным единомыслие.

**И ныне, Богородичен.**

**Тропарь, глас 4:**

**Я**ко крин благовонный, / мироточивыя твоя мочи / от вертограда Церкви Спасовы / в вертоград Церкви Богородичны честне принесошася, / святителю Гурие, / якоже бо дар честен, / ты даровав Христос Пречистой Матери Своей, / и исполнися храм Ея святыи благоухания твоего, / и возрадовася архиерейский престол, / приемый ты, первоседателя своего. / Возвеселися же собор верных со святителем и священноначальники / о преславном цельбоносных твоих мощей пренесении, / еже мы радостно празднующе, молим тя, угодниче Божий: / моли Христа Бога / подати душам нашим мир и велию милость.

**Ин тропарь, глас 3:**

**Д**обродетельнаго и благороднаго ради твоего жития, / извел ты еси Прещедрый Бог / на первопрестольство богоспасаемаго царства Казани / и просветил еси учением твоим бесрменности язъцы. / И многия, святителю Гурие, во избранное Христово стадо привел еси, / и нищелюбием богоугодно пожил еси, / и по преставлении твоём много лет сокровенное твое тело / от недр

\* прага — порога

земных на удивление явися, / и благоуханнаго  
мира гроб наполнися приходящим с верою, /  
взимающим мир от раки честных мощей твоих, /  
всем источаеши исцеления, / святителю Христов  
Гурие, / моли Христа Бога / спастися душам нашим.

### НА УТРАНИ

**На Бог Господь: тропарь, дважды. Слава, и ныне,  
Богородичен.**

#### По 1-м стихословии седален, глас 5:

Постником во удобрение и монашествующим во  
удивление / бысть житие твое во обители твоей: /  
безроптво бо и со усердием проходил еси вся  
работы монастырския, / повинуюся наставником,  
по речению апостольску, и покоряяся им, / ведый  
известно, яко начальствующие пекутся о душах,  
вверенных им, / понеже слово о них воздати имут  
праведному Судий. / Того ради ты, истинный рабе  
Христов, / наставнику твоему, яко Христу, покорялся еси, / и радость тому смирением и послушанием твоим соделывал еси, а не воздыхание, / тем убо от Бога и ты наставник людей Его учинен был еси.

#### Слава, и ныне, Богородичен:

Божественнаго естества общницы быхом Тобою,  
Богородице Дево: / Бога бо нам воплощенна родила еси. / Темже Тя по долгу вси благочестно почитаем и верно убожаем.

#### По 2-м стихословии седален, глас 8:

Учением Божественных словес твоих, аки мрежею рыбы, / агаряны привлекал еси во святое Крещение, / во еже благочестно им веровати во Отца и Сына и Святаго Духа, / и благоприятными твоими молитвами, аки солнце, озарил еси престольный град твой / и светом невечерним того просветил еси. / Темже, святителю Гурие, сошедшая, вопием ти: / моли Христа Бога подати грехов оставление любовью притекающим к тебе / и с верою касающимся ковчегу честных мощей твоих.

**Слава: Явися днесь пресветлая память твоя / обретенным честных мощей твоих, / и удивил еси**



правосла́вныя лю́ди посреде́ неве́рных челове́к:/  
подае́ши много́различная исцелéния от ра́ки ми́ра  
честны́х моще́й твои́х./ И прославля́ет тя Дарова́-  
тель Госпо́дь, Своего́ уго́дника./ Святите́лю Хри-  
сто́в Гу́рие,/ моли́ся непреста́нно о всех нас.

### **И ны́не, Богоро́дичен:**

**Небе́сную дверь и ковче́г,/ все́светлый о́блак и**  
**несеко́мую го́ру,/ неопали́мую купину́, словесный**  
**рай, Евино воззва́ние,/ всей вселенней вели́каго**  
**благода́ти сосуда, воспойм Ма́терь Бо́жию,/ я́ко**  
**спасе́ние То́ю соде́лася ми́ру и оставле́ние до́лга**  
**древняго./ Те́мже и воззове́м к Ней:/ моли́ Христа́**  
**Бо́га согреше́нием оставле́ние дарова́ти/ благоче́-**  
**стно покланя́ющимся пресвято́му рождеству́**  
**Твоему́.**

### **По полиеле́и седа́лен, глас 1:**

**Бо́жия Ду́ха светозаре́нием/ служи́тель быв**  
**Христу́, всяческих Влады́ще,/ тьму разруши́л еси́**  
**ага́рянскаго нечестия,/ и научи́л еси́ лю́ди, и**  
**просвети́л еси́ Божество́нным Креще́нием./ Те́м-**  
**же, пропове́дника тя вси́ истины иму́ще, святите́-**  
**лю Гу́рие, вопие́м к тебе́:/ моли́ Христа́ Бо́га**  
**спасти́ся душа́м на́шим.**

### **Сла́ва, и ны́не, Богоро́дичен:**

**Наста́ви нас на путь покая́ния,/ уклоня́ющихся**  
**всегда́ безпу́тием к заблужде́нию и преблага́го**  
**Бо́га прогне́вляющих,/ Неискусобра́чная Де́во,**  
**Ма́рие Чы́стая, Сло́ву двере́, Бо́жие вселение́,/**  
**прибе́жище бо еси́ отча́янным и спасе́ние душа́м**  
**челове́ческим.**

**Степе́нна, 1-й антифо́н 4-го гласа. Прокі́мен,**  
**глас 4: Честна́ пред Госпо́дем/ смерть преподо́б-**  
**ных Егó. Стих: Что возда́м Госпо́деви о всех, я́же**  
**воздаде́ ми? Ева́нгелие от Ио́анна, зача́ло 36.**

### **По 50-м псалме́ стихира́, глас 6:**

**Егда́ мо́щи тво́я святы́я/ в престо́льную це́рковь**  
**приноси́мы бя́ху,/ священни́цы, и мона́шеству-**  
**ющие, и весь наро́д,/ окружа́юще ра́ку твою́,/ со**  
**ужасом взира́ху на тя./ Ови́и убо уди́вляхуся**  
**нетле́нию твоему́,/ ови́и же чуда́хуся благово́нию,/**

от мироточивых членов твоих исходящему, / инии же чудесная от тебе бывающая исцеления прославляху, / архиерей же со слезами вопияше ти: / о великий угодниче Божий, / вижду тело твоё, ныне мёртвости образ имущо, / еже в будущей жизни, яко солнце, возсияет, / ибо мёртвое сие облечётся в безсмертие / и пожёрто будет мёртвенное живото́м, / ты же со Христом воцари́шися, / Ему́же от юности поработал еси; / но, о святителю чудный, / моли́ся прилежно Христу́ Бо́гу / спасти́ся граду твоему́ невредиму.

**Канон Богородице со ирмосом на 6 и святому два канона на 8. Пёрвый канон зри в службе на день преставления святителя, 5 декабря. Ин канон святителя, глас 3.**

### Песнь 1

**Ирмос:** Песнь новую поим, лю́дие, / от Дёвы Рóждшемуся во спасение наше / и еди́но Сотворшему с Небесными земная, / яко просла́вися.

Бо́же и Го́споди, Иису́се Христе́, Агнче, / даждь ми сло́во све́тло, / да воспою́ агнца Твоего́ кро́ткаго и незлобиваго, пёрваго Каза́нскаго архиере́я Гу́рия чудотворца, / и ублажу́ нетление честных мощей его́.

Ловления лсты́ваго руки́ избéгл еси́, / непорóчно дéвство твоё сохранив; / того́ ра́ди чи́стое твоё те́ло нетлени́ем от Бо́га почтёся, / ему́ же мы удивляюще́ся, / поём Го́спода, в тебе́ просла́вляшаго́ся.

А́нгел был еси́ во плóти земный и Небесный человек, / добродетельным жити́ем на земл́и проси́ял еси́, / по преставлении же чудесы́, от мощей твоих бывающими, Росси́ю удивил еси́; / мы же непреста́нно Го́споду поём, / яко в тебе́ просла́вися.

Го́рдаго Голиа́фа духо́внаго, вла́ствующаго агáряны, / дрéвле си́лою крестною посра́мил еси́. / Того́жде и ны́не прогоня́еши от челове́ков, притека́ющих к святы́м мощём твои́м / и пою́щих Го́сподеви, яко просла́вися.

**Богородичен:** Основание твёрдое Ты еси́, Пре́чи́стая Дéво, всем христиа́ном, / на Тя надéющимся войсти́нну / и Го́сподеви пою́щим, яко просла́вися.



### Песнь 3

**Ирмос:** Утверждение и очищение / подаждь нам, Сыне Божий, / и спаси ны, яко Человеколюбец.

Слово Божие проповедал еси нечестивым агаряном / и сих научил еси в Того веровати, / учиши же и по преставлении твоём, / чудесы, аки усты, велегласно вопия и уверяя: / цельбы точат честныя твоя мощи с верою притекающим.

Лютаго змия под ноze попрал еси и идолы стерл еси, / стираеши же и ныне главу гордаго велиара, / далече бо бежит от раки твоея, / не терпя приближаться честным мощем твоим, святителю Гурие.

От храма Спасова в Богородичен храм преносимым бывшим мощем твоим, / благоухания град исполнися, воздух освятися, / души воздушнии далече отбегоша; / народ же верных, веселящися, прославляху Бога, / дивнаго в тебе, святем своём.

**Богородичен:** Велиара лютаго рождеством Твоим победила еси, / Христа нам, Дево, рождши.

### Ин кондак, глас 6:

**И**стине основание, и веры утверждение, / и в поучениях преизряднаго свемы тя, благочестию споспешника, / апостолом сопредстольника, страстотерпцем сопричастника, / постником купноревнителя похваляем тя, Гурие святителю, / и велия тайнника Божия благодати.

### Ин икос:

Храм Духа Пресвятаго был еси, / и река, вод духовных наполняема, / и Церкви ограждение неподвижно, / граду же Казани звезда пресветлая, чистотою душевною и телесною сияющая; / Божественный гром учения воспукая, / трубою же духовною глас веры всем провозвещая / и сим агарянское злочестия отсекая, / Троицу во Единице пети научил еси, отче наш, великий святителю Гурие, / великий тайнниче Божия благодати.

### Седален, глас 5:

Чуден войстинну измлада был еси, / постом, и молитвами, и долу леганием Богу угодив, / и

терпением твоим темницу отворзл еси; / чудно же и преславно и Той о тебе содела, / аки другаго Павла с Небеси познав, / на архиерейский престол по жребию ты избрал еси. / Того ради молим тя, великий святителю Гурie: / моли спастися душам нашим.

### Слава, и ныне, Богородичен:

Странно чудо зачатия и несказанен образ Божественнаго рождества / в Тебе познася, Чистая Приснодево, / ужасает ми ум и удивляет помышления, / слава Твоя, Богородице, всем воспрострися на спасение душам нашим.

### Песнь 4

**Ирмос:** Странна и неизреченна рождества Твоего тайна! / Услышах слух Твой, и убояхся, / и, веселяся, вопию Ти: / силе Твоей слава, Человеколюбче.

Елико на земли сотворил еси в терпении твоём, во алчбе и жажде пребывая, / толико и Христос воздарствова тебе, / архиерейством почтив тя и чудесы прославив твою мощи, / ихже днесь пренесение празднующе, вопием Христу: / силе Твоей слава, Человеколюбче.

Ни глад, ни темница, ни скудость ризная возбрани ты от любви Христовы, / еже последовати страстем Его, всехвальне отче наш Гурie. / Того ради Господь тебе, преподобному Своему, видети истления не даде, / но чудесным нетлением облагодатствова ты, / емуже мы удивляющися, вопием Христу: / силе Твоей слава, Человеколюбче.

Иго Христово на рамо взем, последовал еси стопам Его, / трудолюбное же твоё тело во гроб положив, / душею вшел еси в Горнее наследие Его, святителю Гурie, / мы же вопием Христу: / силе Твоей слава, Человеколюбче.

**Богородичен:** Еллинское буюслобие, Богомати, Твоим рождеством искоренися, / нов же сад веры насадися / и благодать веры процветет молитвами Твоими, Чистая.



### Песнь 5

**Ирмос:** *К Тебѣ утренюю, / от Отца прежде денницы \* возсиявшему, Утро мірови, / помраченна согрешѣньми, Спасе, / предварив, озари, Бѣже.*

**Мрак** греховный и тьму сластных страстей от души отринул еси, / утреневал еси ко Христу, взывая к Немю: / Спасе, предварив, озари мя, Бѣже.

**Лѣности** и всякаго мирскаго пристрастия в жизни сей уклонился еси, / плоть свою иноческими труды и архиерейскими подвиги истинил еси, / свидетельствует о житии твоём нетлѣние твоѣ, / вѣну бо пел еси Владыце Христу: / предварив, озари мя, Бѣже.

**Агарянскаго** суетогласия и тщѣтнаго их буесловия обуздатель, / святителю Гуріе, был еси, вопія: / предварив, озари мя, Бѣже.

**Богородичен:** *Виссон чистый во чреве Твоём исткася, Пречистая, / в негоже облечѣся несказанно Царь Славы — / Христос Бог наш.*

### Песнь 6

**Ирмос:** *Во глубину сердца морскаго беззаконии отвержен бых, / яко Иона, вопию Ти: возведи мя от тли, / да воздам Ти молитвы моя, Господи.*

**Рѣвностию** Божественною присно объят быв, / неуклонно Богу предстоил еси, / милостынею и непрестанными молитвами Тому угождая, / ныне же молился и о нас, святителю, / пренесѣние твоѣ празднественно почитающих.

**Емуже** предстоил еси в жизни временней в молитвах неусыпных, / Тому ныне в жизни вечной наипаче предстоиши, Христу Богу нашему, / помолился убо Ему за град твой и за вся люди, поющия тя / и празднующия пренесѣние чудотворных мощей твоих.

**Не бысть** в тебе порока, ниже скверны в души твоѣй, отче, / сего ради по преставлении чудесы от Бога обогатился еси, / Гуріе приснопамятне.

**Богородичен:** *Тебѣ уболажаем, Божию Матерь, / и под кров Твой с верою прибегаем, Богородице Дѣво: / спаси всех нас, верно поющих Тя.*

\* денница — утренняя звезда, заря

### Конда́к, глас 4:

**Ч**увственныя стра́сти победив, / чистото́ю, я́ко  
 Со́лнце, возсия́л еси́, / чи́сто жити́е до конца́  
 сохра́нив, / и от неве́рия в ве́ру мно́гих ко Христу́  
 привёл еси́, / того́ ра́ди от Бо́га нетле́нием почтён, /  
 чудесы́ тво́ими вся удивил еси́. / Мо́лим у́бо тя,  
 святите́лю Гу́рие, / моли́твами тво́ими от бед изба́-  
 ви нас, да зове́м ти: / ра́дуйся, о́тче предивный,  
 гра́ду Каза́ни похвало́ и утвержде́ние.

### И́кос:

**П**е́рвый се́ятель был еси́ духо́вных добродете́-  
 лей, / и пе́рвый па́стырь, и Це́ркви нача́льник, /  
 пе́рвый архиере́й и учи́тель христиа́нскому зако́-  
 ну в новопросвещённом гра́де Каза́ни, / ве́рныя  
 лю́ди пита́я хле́бом уче́ния благода́тнаго зако́на, /  
 напо́яя пи́вом духо́вныя благода́ти, / неве́рныя же  
 уча́ позна́ти и́стину и крестити́ся святы́м Креще́-  
 нием, / и мно́жество наро́да от неве́рия в ве́ру ко  
 Христу́ привёл еси́, / чи́стым жити́ем Бо́гу угоди́ти  
 наста́вив их. / Сего́ ра́ди Христос́ свято́му и  
 трудолю́бному тво́ему́ те́лу дарова́ нетле́ние и дар  
 чудотворе́ния: / приходи́щи бо с ве́рою к цельбо́-  
 но́сным тво́им мо́щем / прие́млют неоску́дныя стра-  
 стей́ премене́ния, и болезне́й исцеле́ния, / и грехо́в  
 прощ́ение тво́ими, свя́те, ко Христу́ моли́твами. /  
 Те́мже зове́м ти: / ра́дуйся, о́тче предивный, / гра́ду  
 Каза́ни похвало́ и утвержде́ние.

### Песнь 7

**Ирмо́с:** Прохлажде́й пла́мень пе́щный / и Де́ву  
 сохра́ни ро́ждшую Тя Богоро́дицу: / благослове́н  
 еси́, Го́споди, Бо́же оте́ц на́ших.

**Иосифа** Прекра́снаго чистоту́ возлюби́л еси́, /  
 диа́вольский наве́т подъя́л еси́, / бе́ды же терпя́,  
 несумне́нно вопия́л еси́: / благослове́н еси́, Го́споди,  
 Бо́же оте́ц на́ших.

**А**ки ка́мень а́нфракс, цветя́ся све́тло, / смирен-  
 ному́дрием тво́им в жи́зни сей пребы́л еси́, /  
 честны́ми же мо́щми тво́ими, / а́ки дража́йшим  
 би́сером, украша́ется Це́рковь, с ча́ды сво́ими  
 вопия́: / благослове́н еси́, Бо́же оте́ц на́ших.



**Міро** источая, міро духовное явілся есі, / помазую всех, с véрою приходящих и поющих: / благословен есі, Бóже отец наших.

**Богорóдичен:** Идольская крепость разрушися, / зря из Тебé Бóга раждаема, да поём Ему: / Бóже отец наших, благословен есі.

### Песнь 8

**Ирмос:** *Покланяемаго от святых Ангел / и Слави-  
маго непрестанно, / священницы, пойте, / людие,  
превозносите во вся веки.*

**Творца,** от всех Ангел покланяемаго, славослò-вил есі, вопия: / священницы, пойте, / людие, превозносите во вся веки.

**Росодательну** от Духа Святаго душу твою сотворил есі, / от честных же мощей твоих реку мира целёбнаго источил есі, / мы же, благодать от тебе почерпающе, / превозносим Христа во веки.

**Отца** и Сына и Святаго Духа прославляя присно, пел есі: / священницы и людие, превозносите Святую Троицу во веки.

**Богорóдичен:** Повеленное таинство от Бóга приём, Архангел / прииде возвестити Тебé, Чистая Дéво. / Ты же, рёкши: се Раба Господня, / зачала есі Бóжия Сына, / Егóже мы со святителем Гúрием поём и превозносим во вся веки.

### Песнь 9

**Ирмос:** *Мáтерь Свёта, и по рождествé Дéву, / и душ наших спасения пристанище, / вёрнии, едино-  
мудренно пёсньми величаём.*

**О** тебé, óтче святителю Гúрие, известно спасёся агарянский род, / о нёмже моляся, и нас всех поминай, покланяющихся тебé / и ты единомудренно пёсньми похваляющих.

**Лёторасль** \* измлада добровонна был есі / и ныне міро благоухаеши. / Тёмже ты единомудренно похвалами величаём.

**Илий** подобяся, / меч духовный остр от уст твоих испущаеши; / от мощей же твоих исходящую чудёсную силу, / яко ору́жие, на супостаты

\* лёторасль — отрасль

изошряеши / и тем демонов полки прогоняеши. / Мы же тя единомудренно величаем.

**Твёрдостью смиренномудрия твоего неверных удивил еси / и веровати во Святую Троицу научил еси, / ныне же вся верныя благодатию чудесною, от мощей твоих изливающеюся, удивляеши, / ихже ныне пренесение весело празднующе, / тя единомудренно песнями ублажаем.**

**Богородичен: Ааронов жезл, и кивот одушевленный, / и ручку манны нетленные исповедуем Тя, Пречистая. / Моли спастися всем нам, рабom Твоим.**

### Светилен.

**Подобен: Плотию уснув:**

**Плоть умертвил еси, Гурие, постом, и бдением, и сухоядением, / и диавола посрамил еси, и силу его, святе, разрушил еси, / нечестивым Троицу проповедав, треблаженне.**

### Слава, и ныне, Богородичен:

**О Мати Дево Пречистая, / Единому от Троицы Ты была еси приятелище, / Адамово воззвание и Евино от клятвы свободнение, / спаси нас диавольскаго лукавства и находения.**

### На хвалитех стихиры на 4, глас 8.

**Подобен: О, преславнаго чудесе:**

**О, преславнаго чудесе! / По тридесяти и двою летех / в земли нетленны обретошася / мощи Гурия святителя, / верху мира, якоже губа, носящийся. / О, каково дарование новому чудотворцу даровася! / Егоже ради, Христе, / спаси души наша, яко Милосерд.**

**О, преславнаго чудесе! / Не токмо тело святаго пребысть нетленно, / но и ризы его крепчае новых бяху: / тако Бог соблюде раба Своего цела / и чудотвореньми облагодатствова его. / О, Божие дарование, достойному дарованное. / Егоже молитвами, Христе, / спаси души наша, яко Един Милосерд.**

**О, преславнаго чудесе! / Престольная архиерейская Церковь / прият и по смерти, яко жива, предстоятеля своего: / праведный бо аще и скон-**



чаётся, / обаче живёт безконечною жизнью, / ибо дарует ему Христос Бог велие дарование / и молитвами его спасает души наша, / яко Един Милосерд.

**О, преславнаго чудесе! / Пречестный храм Божия Матере, / якоже драгоценною утварию невеста, / украсися мощми святителя / и теми славится, возсияючи. / О, каково дарование, Христэ Бóже, / даровал еси нам, / яко Един Милосерд.**

**Слава, глас 6: Не подобаше первопрестольней Казанстей Церкви: зри славник на стиховне или иную стихирю, глас 6: Иноков похвало: (зри службу на 5 декабря, на стиховне вечерни)**

### **И ныне, Богородичен:**

**Богородице, Ты еси лоза истинная, / возрастившая нам Плод живота. / Тебе молимся: молися, Владычице, / со апостолы и всеми святыми / помилувати души наша.**

### **НА ЛИТУРГИИ СЛУЖБА СЯТИТЕЛЬСКАЯ.**

#### **Молитва**

**Святителю отче Гурие! Предстоя священнои раце многоцелёбных мощей твоих, молим тя усердно быти всегда и везде нашим ходатаем, заступником и покровителем. Исходатайствуй пастве твоей мир, тишину, благоденствие, здравие и спасение. Будь постоянным нашим заступником от всех врагов, видимых и невидимых, покрывай нас от нахождения всех бед, напастей и скорбей, па́че же от искушений врага тёмнаго. Предстоящим же zde и молящимся испроси у Господа Бóга вся, яже ко спасению своему они просят у Него в своих нуждах и скорбех, да вси мы с тобою прославляем всесвятое Имя Отца, и Сына, и Святаго Духа, ныне, и присно, и во веки веков. АМИНЬ.**

#### **Перенесение мощей святителя Гурия, архиепископа Казанского.**


Святитель Гурий, первый архиепископ Казанский, был погребен 4 декабря 1563 года за алтарем Преображенского храма в казанском Спасо-

Преображенском монастыре. В 1595 году, через тридцать два года после кончины святителя, царь Федор Иоаннович приказал построить в казанском монастыре на месте деревянного Преображенского храма

новый, каменный храм. Восточная стена нового храма, более обширного, должна была проходить в том месте, где были погребены святители Гурий и Варсонофий (†1576; память 4 октября). Митрополит Казанский Ермоген (впоследствии Патриарх Московский и всея Руси, священномученик; †1612; память 17 февраля, 12 мая и 5 октября) благословил честные останки святителей переложить в ковчеги и перенести в другое место.

4 октября оба гроба были открыты и обнаружены тела святых, не подвергшиеся тлению. Когда об этом сообщили митрополиту Ермогену, он в сослужении городского духовенства совершил панихиду по почившим святителям, а затем благословил открыть гроб святителя Гурия. Впоследствии святитель Ермоген описал то, что увидел он и все бывшие с ним: «Рака бо святого бе полна благоухания мира, как чистой воды. Мощи же святого Гурия верху мира яко губа ношахуся, части же ни единой погруженна бывши. Нетлением бо одари Бог честное и многотрудное его тело... Осязахом же и погребальная ризы его и бяху крепка зело». Нетленными были и мощи святителя Варсонофия. Множество исцелений произошло от помазания благоуханным миром из гроба святителя Гурия. Мощи были положены в левом приделе вновь воздвигнутого храма. Придел был освящен во имя святителей Гурия и Варсонофия Казанских.

20 июня 1630 года, по благословению митрополита Матфея, мощи святителя Гурия были перенесены из



Спасо-Преображенского монастыря в казанский кафедральный Благовещенский собор. В честь этого события было установлено ежегодное празднование. Святые мощи покоились в позлащенной гробнице под резной сенью. В том же соборе хранились риза и посох святителя Гурия. Ныне честные мощи святителя Гурия покоятся в кладбищенском храме во имя святых благоверных князей Феодора Муромского и чад его Давида и Константина в городе Казани.



В  
ТОЙЖЕ  
ДЕНЬ

## Святáго равноапóстольнаго Наўма, чудотвóрца Охридскаго (Слúжбу зри 23 декабря́)

Тропа́рь, глас 4:

**М**ир оста́вил еси́, прилепи́вся Христу́, / плоть  
распя́л еси́, пожив Ду́ху, / Наўме всеблаже́н-  
не, / потща́лся еси́ апóстольским подвижа́тися  
тече́нием / и улови́л еси́ к ве́ре Болга́рская неис-



**чётная мно́жества. / Тёмже моли́твами твои́ми /  
изба́ви нас от искуше́ний.**

### **Конда́к, глас 3.**

**Подобен: Де́ва днесь:**

**С** вётлых твои́х по́двигов пречестна́я па́мять, /  
я́ко ве́лие со́лнце, всем возсиява́ет, / ли́ца  
воспева́ющих тя просвеща́ет, / де́моны и вся́ку  
боле́знь отгоня́ет, / сего́ ра́ди, соше́дшися, любó-  
вию си́ю ве́рно восхва́лим.

**Преподобный равноапостоль-  
ный Наум Охридский** по происхожде-  
нию болгарин, родом из Мизии, от  
благородных родителей, был одним  
из учеников святых равноапостоль-  
ных Кирилла и Мефодия (память 11  
мая), ближайшим сподвижником свя-  
тителя Климента Охридского (†916,  
память 27 июля). С юных лет святой  
посвятил свою жизнь служению Хри-  
сту. Наделенный от Господа многими  
дарованиями, он изучил разные язы-  
ки и стал выдающимся проповедни-  
ком. Под руководством святых братьев  
Кирилла и Мефодия, преподобный  
Наум в течение многих лет (863—  
885) наряду со святыми Климентом,  
Гораздом, Саввой и Ангеляром (их  
совместная память 27 июля) прини-  
мал активное участие в переводе с  
греческого на славянский язык Свя-  
щенного Писания и Богослужебных  
книг. Во время пребывания в Риме в  
868 году он был рукоположен во  
диакона Папой Римским Адрианом II  
(867—872), а затем посвящен в сан  
пресвитера. Папа Адриан II одобрил  
дело перевода Библии на славянский  
язык, признав его Богоугодным, освя-  
тил славянские книги и благословил  
совершать Божественную Литургию  
на славянском языке.

После кончины святого Мефодия  
(†885) на долю славянских проповед-  
ников выпали тяжелые испытания.  
Во время миссионерской деятельно-  
сти в Моравии преподобный Наум и  
его соратники по зависти немецких  
епископов были заключены в темни-  
цу, закованы в цепи, подвергались  
пыткам. Однако по молитве святых  
узников Господь явил чудо: силой  
Божией темница сотряслась, оковы  
спали и они беспрепятственно вышли  
на свободу. Народ уверовал в свя-

тость проповедников, но епископ Ви-  
ханг объявил чудо «бесовским» на-  
важдением и изгнал святого Наума и  
его сподвижников за пределы  
Моравии.

Движимые Промыслом Божиим,  
совершая многочисленные чудеса и  
исцеления, святые проповедники до-  
стигли Дуная. Здесь они разделились.  
Преподобный Наум вместе со святы-  
ми Климентом и Ангеляром отпра-  
вились в Болгарию, а остальные отпра-  
вились в Дакию и Илирию. Болгар-  
ский царь святой Борис—Михаил,  
крестивший свой народ в 885 году, с  
радостью встретил учеников святых  
Кирилла и Мефодия. Он поручил им  
дело распространения славянских бо-  
гослужебных книг и организации ду-  
ховных школ при храмах и монасты-  
рях для подготовки болгарского духо-  
венства.

Святой Климент продолжил мис-  
сионерскую деятельность на юго-  
западе страны, а преподобный Наум  
остался в древней столице Болга-  
рии—Плиске. После перенесения в  
893 году столицы в город Преслав  
преподобный Наум учительствовал и  
проповедовал в монастыре во имя  
святого великомученика и целителя  
Пантелеимона, что близ Преслава. В  
894 году святой Наум возглавил  
просветительское дело в Охридской  
епархии, вместо святого Климента,  
рукоположенного во епископа Белиц-  
кого. Угодник Божий мудро правил  
паствой, своей богодухновенной про-  
поведью созидал у пасомых веру и  
благочестие.

Уже в преклонном возрасте препо-  
добный Наум основал на южной  
стороне Охридского озера монастырь  
во имя святого Архистратига Миха-  
ила и прочих Небесных Сил бесплот-

ных, куда собралось множество монахов со всего Балканского полуострова. В течение 10 лет управлял преподобный Наум братией монастыря, и перед самой смертью принял иноческий постриг. 23 декабря 910 года праведник отошел ко Господу и был погребен под северной стеной соборного храма. Мощи преподобного Наума находятся под спудом. Было предпринято несколько попыток открыть мощи, но преподобный Наум всякий раз запрещал это делать.

Мощи святого прославились многими чудесными исцелениями, «даруя здравие расслабленным, хромым течение и глухим слышания». Особенно славен преподобный Наум, как врачеватель страдающих беснованием. К внешней стене храма устроен придел, где обращающиеся с верою к мощам святого получают исцеление. Память преподобного Наума совершается Православной Церковью также 23 декабря, в день его блаженной кончины.

